



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTT 0020877 21
Sarajevo, 23.8.2024. godine

Na temelju člana 216. stav 3. Zakona o krivičnom postupku Bosne i Hercegovine, d o n o s i m:

N A R E D B U
o nesprovođenju istrage

Neće se provoditi istraga protiv:

[REDACTED]

Zbog krivičnog djela Javno podsticanje na terorističke aktivnosti iz člana 202a. Krivičnog zakona Bosne i Hercegovine i krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a KZ BiH, **jer ne postoje osnovi sumnje da su prijavljena lica počinila navedeno krivično djelo.**

O b r a z l o ž e n j e

Dana [REDACTED] u Tužilaštvu Bosne i Hercegovine formiran je [REDACTED] na osnovu objavljenih tekstova na društvenim mrežama od strane [REDACTED] zbog krivičnog djela Javno podsticanje na terorističke aktivnosti iz člana 202a. KZ BiH.

Nadalje, Kantonalno tužilaštvo Kantona Sarajevo je [REDACTED], ovom tužilaštvu na nadležno postupanje dostavilo spis predmeta [REDACTED] Iz dostavljenog spisa proizilazi da [REDACTED] tužilaštvo zaprimilo e-mail [REDACTED] u kojem se navodi da na facebook profilima više osoba među kojima su [REDACTED] protiv kojeg Tužilaštvo Bosne i Hercegovine vodi istragu zbog prijetnji novinarima, dijele letak kojim „savjesne građane i patriote“ pozivaju i upućuju šta treba uraditi u slučaju „novih nereda na ulicama gradova Bosne i Hercegovine“. Iz zapisnika o saslušanju [REDACTED] proizilazi da je isti predmetnu prijavu između ostalih dostavio Uredu za borbu protiv korupcije i Tužilaštvu BiH koje je istu prosljedilo Državnoj agenciji za istrage i zaštitu BiH, od kojih je pozvan i saslušan u svojstvu svjedoka na okolnosti prijave koju je podnio, iz kojih razloga Kantonalno tužilaštvo Kantona

Sarajeva smatra da prijava koju su oni zaprimili, ima sjediniti sa prijavom dostavljenoj u Državnoj agenciji za istrage i zaštitu, obzirom da iz izjave svjedoka [REDAKCIJA] proizilazi da je prijavu podnio i Tužilaštvu Bosne i Hercegovine u kojem predmetu je i saslušan u svojstvu svjedoka, iz kojih razloga je i dostavljen predmet spisa na dalje postupanje. Tako je dostavljen akt MUP KS.

[REDAKCIJA]
[REDAKCIJA] akt Federalnog tužilaštva Federacije Bosne i Hercegovine [REDAKCIJA]
[REDAKCIJA]
[REDAKCIJA] . Zaprimljene prijave Ureda za borbu protiv korupcije i upravljanje kvalitetom [REDAKCIJA]
[REDAKCIJA]

Uvidom u sadržaj akta Federalne uprave policije [REDAKCIJA] dostavljenog Kantonalnom tužilaštvu Kantona Sarajevo, navodi se da je ta Uprava [REDAKCIJA], putem službene e-mail pošte zaprimila dopis upućen od strane [REDAKCIJA] kojem je navedeno postojanje sadržaja na društvenoj mreži facebook okarakterisanih od uposlenika nevedne kompanije kao prijetnje. Naime, u dostavljenom dopisu se navodi da određena grupa na društvenoj mreži facebook na čelu sa [REDAKCIJA] koja djeluje protiv redakcije [REDAKCIJA] i kompanije [REDAKCIJA] te tom prilikom dijele članke-letke, čiji su sadržaj uposlenici [REDAKCIJA] okarakterisali kao prijetnje. S tim u vezi, [REDAKCIJA] na predmetne okolnosti je objavljen razgovor sa [REDAKCIJA] o čemu je sačinjena Službena zabilješka [REDAKCIJA], koji je potvrdio navode iz dostavljenog dopisa, te dodao da je početkom mjeseca aprila [REDAKCIJA] redakcija [REDAKCIJA] obaviještena o postojanju određene grupe na društvenoj mreži facebook, koja između svojih članova dijeli letak u čijem sadržaju se prijeti kako [REDAKCIJA], tako i uposlenicima u sjedištu kompanije [REDAKCIJA]. Neke od osoba koje su dijelile taj letak su [REDAKCIJA] koji je povezan sa [REDAKCIJA]. Nadalje, navodi da je nekoliko dana nakon što je [REDAKCIJA] obavijestila ambasade, policijske agencije, tužilaštva, javnost o navedenom događaju, na društvenoj mreži se oglasio korisnik fb korisničkog računa [REDAKCIJA], koji piše o [REDAKCIJA] kao kreatoru navedene obavijesti i tom prilikom objavljuje njegovu fotografiju iz rata i optužuje ga ratno dezerterstvo, iako je on tokom razgovora naveo da je bio cijeli rat u Sarajevu, gdje je radio kao novinar.

Nadalje, iz akta Federalnog tužilaštva Federacije Bosne i Hercegovine [REDAKCIJA] upućenog Kantonalnom tužilaštvu Kantona Sarajevo, proizilazi da su zaprimili elektronskim putem dopis direktora medija kompanije [REDAKCIJA] u kojem se navodi da [REDAKCIJA] ponovo nalazi na udaru i prijetnji opasnih likova, te se ukazuje na navodno protivpravno ponašanje [REDAKCIJA] koji na fejsbuk profilima, sa više drugih osoba, dijele letak kojim se „savjesne građane i patriote“ pozivaju i upućuju šta treba raditi u slučaju „novih nereda na ulicama gradova Bosne i Hercegovine“, a koji sadrži prijetnje novinarima ovog dnevnog lista, navodno vezane sa pisanjem o korumpiranoj vlasti i aktuelnim dešavanjima u vezi nabavke kineskih respiratora, [REDAKCIJA]
[REDAKCIJA]

Također, uvidom u spis, utvrđeno je da se u istom nalaze određeni članci obavljani u „ [REDACTED] putio na društvenim mrežama ozbiljnije prijetnje [REDACTED], na način da je na društvenoj mreži napisao: „ Nemoguće je više suzdržati se teških kvalifikacija, ali ovo pseto mora biti adekvatno kvalifikovano. Velikim Bogom se kunem da se izvući nećeš! Visoku cijenu izdaje države ćeš platiti smeće jedno korumpirano“.

Postupajući u skladu sa usmenom naredbom postupajućeg tužioca Tužilaštva Bosne i Hercegovine, policijski službenici Državne agencije za istrage i zaštitu poduzeli su mjere i radnje koje se odnose na objave na Facebook nalogu, koje se mogu dovesti u vezu sa licem [REDACTED], o čemu je sačinjen Izvještaj o poduzetim mjerama i radnjama [REDACTED]

Naime, iz Izvještaja o poduzetim mjerama i radnjama Državne agencije za istrage i zaštitu, vidljivo je da je sadržaj objavljen na društvenoj mreži „Facebook“, koji se dovodi u vezu sa licem [REDACTED], postupajući tužilac okarakterisao kao počinjenje krivičnog djela „Izazivanje nacionalne, rasne i vjerske mržnje, razdora i netrpeljivosti“ iz člana 145a. Krivičnog zakona Bosne i Hercegovine, te je u cilju dokazivanja elemenata naprijed navedenog krivičnog djela, izdata i naredba od strane tužioca. Nadalje, u dostavljenom izvještaju izdvojen je određeni broj objava u kojima se negativnom kontekstu spominju lica iz pravosuđa i policijski službenici, a koje objave su izazvale mnoštvo reakcija od strane drugih korisnika navedene društvene mreže.

Nalog koji je obuhvaćen Izvještajem je:

Pregledom navedenog profila, utvrđeno je da isti ima 6492 pratitelja, te da je sa naprijed navedenog naloga na društvenoj mreži Facebook [REDACTED]

[REDACTED] ostavljao objave sa fotografijama i tekstovima, koji se odnose na više lica, među kojima su tužioci, ministri i ovlaštena službena lica, što je kod određenog broja korisnika društvenih mreža, izazvalo razne reakcije u negativnom kontekstu, a koje reakcije posmatrane kroz bitna obilježja krivičnih djela se mogu dovesti u vezu sa počinjenem krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. Krivičnog zakona Bosne i Hercegovine.

Na okolnosti pregleda objava na navedenom Facebook profilu sačinjene su Službene zabilješke broj: [REDACTED] Također, po usmenoj naredbi tužioca Tužilaštva BiH, izvršen je uviđaj na Facebook profilu „ [REDACTED] o čemu je sačinjen Zapisnik o uviđaju broj: [REDACTED] Iz sadržaja Službene zabilješke Državne agencije za istrage i zaštitu broj: [REDACTED] proizilazi da je izvršen uvid u sadržaj web članka [REDACTED]

[REDAKTIRANO], gdje autor navedenog članka navodi, da lice [REDAKTIRANO] na svom Facebook profilu [REDAKTIRANO] uputio nove prijetnje, a koje se odnose na aktivnosti vezane za operativne akcije Državne agencije za istrage i zaštitu, [REDAKTIRANO]

Naime, uvidom u Facebook profil: [REDAKTIRANO] uočen je veći broj objava u formi teksta i fotografija, na kojima [REDAKTIRANO] upućuje prijetnje, na način da isti poziva na oružani sukob u vezi hapšenja gore navedenih lica, ali i poziva na nasilje gdje navodi ime i prezime i radno mjesto policijskog službenika Državne agencije za istrage i zaštitu u smislu inkriminacije i eventualne prijetnje prema istom. [REDAKTIRANO]

[REDAKTIRANO] Vezano za naprijed navedenu Službenu zabilješku, putem otvorenih izvora, tačnije na društvenoj mreži Facebook, od strane policijskih službenika Državne agencije za istrage i zaštitu, uočena je nova objava na korisničkom profilu [REDAKTIRANO] kojom prilikom je utvrđeno da je imenovani profil objavio tekst sa fotografijom internet portala [REDAKTIRANO]

Također je od strane Državne agencije za istrage i zaštitu, nakon izvršenog uvidaja na Facebook nalogu pod nazivom [REDAKTIRANO] sačinjena foto-dokumentacija [REDAKTIRANO] dostavljena ovom tužilaštvu.

Naime, da bi bilo počinjeno krivično djelo propisano Krivičnim zakonom Bosne i Hercegovine moraju biti počinjene radnje iz kojih moraju proizlaziti obilježja bića krivičnog djela propisana Krivičnim zakonom Bosne i Hercegovine.

Krivično djelo Javno podsticanje na terorističke aktivnosti iz člana 202a. KZ BiH podrazumijeva stavljanje na raspolaganje javnosti poruke koja ima za cilj podsticanje drugog na izvršenje krivičnih djela koja su taksativno pobrojana u pomenutom članu, a između ostalog i krivičnih djela iz člana 201. Terorizam, 202b. Vrbovanje radi terorističkih aktivnosti, 202d. Organiziranje terorističke grupe, kao i druga krivična djela. Ponašanje koje podrazumijeva upućivanje „poticajnih“ poruka, bez obzira da li se u takvim porukama direktno zagovaraju teroristička djela i aktivnosti, uzrokuje opasnost od počinjenja jednog ili više terorističkih krivičnih djela.

Da bi postojalo krivično djelo Javno podsticanje na terorističke aktivnosti iz člana 202a. KZ BiH, moraju biti ispunjeni i subjektivni i objektivni elementi, iz kojih razloga je ovo tužilaštvo izvršilo ocjenu krivičnopravnih kvalifikacija radnji prijavljenog u kojima su sadržana sva zakonska obilježja krivičnog djela za koje je prijavljeno lice.

Tako iz činjeničnog opisa radnji za koje je prijavljeno naprijed navedeno lice ne proizilaze radnje izvršenja pod koje bi se mogle podvesti pravne kvalifikacije djela u odnosu na prijavljeno lice, a koje kvalifikacije su navedene predmetnom prijavom, odnosno u istim nije ostvarena radnja kao objektivni element krivičnog djela 202a. KZ BiH, odnosno cilj podsticanje drugih na učestvovanje u terorističkim aktivnostima.

Naime, prilikom odlučivanja o postojanju bitnih elemenata krivičnog djela, na način na koji su opisano u samoj zakonskoj formulaciji ovog djela, nije utvrđeno da je prijavljeni javnim iznošenjem

poruka bez razumne sumnje podsticao druge na izvršenje terorističkih krivičnih djela, te da je njegov subjektivni odnos prema djelu ostvaren kroz namjeru (bio svjestan svojih radnji i postupaka) da vrbuje i podstiče na počinjenje krivičnih djela, te da je htio nastupanje svih štetnih posljedica.

Takoder, treba imati i u vidu činjenicu da je nejasna granica između osnovne ljudske slobode da se izrazi i javnog podsticanja na terorizam.

U konkretnom slučaju, a imajući u vidu bitna obilježja krivičnih djela u odnosu na prijavljenog [REDAKTIRANO], ovo tužilaštvo cijeni da nema dokaza za umišljajno postupanje prijavljenog da je javnim iznošenjem poruka podsticao druge na izvršenje krivičnih djela, čime je na strani prijavljenog izostao subjektivni element krivičnog djela, koji predstavlja jedan od elemenata bića krivičnog djela.

Dakle ovo tužilaštvo nije sa sigurnošću utvrdilo da je u svojim javnim istupima, [REDAKTIRANO] podsticao ili učvršćivao odluku kod određenog broja pratitelja na izvršenje krivičnih djela, iz kojih razloga je odlučeno kao u dispozitivu ove Naredbe.

Kako su u predmetu, preduzimate radnje i u odnosu na krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. Krivičnog zakona Bosne i Hercegovine, ovo tužilaštvo je izvršilo ocjenu dokaza u odnosu i na to krivično djelo.

Naime, Izazivanje nacionalne, rasne i vjerske mržnje, razdora i netrpeljivosti iz člana 145a. KZ BiH, spada u grupu krivičnih djela protiv slobode i prava čovjeka i građanina „kojima se štite klasična politička i demokratska prava čovjeka i građanina“. Iz same zakonske dispozicije osnovnog oblika ovog krivičnog djela, njegovim propisivanjem se štite ustavni poredak, država i njeno unutrašnje funkcionisanje, zajednički život i tolerancija između konstitutivnih naroda i ostalih te drugih koji žive i borave u BiH. Radnja učinjenja, a i drugi elementi zakonskog opisa ovog krivičnog djela su postavljeni alternativno, tj. u više oblika, dok su kao predmet izazivanja ili raspirivanja u zakonskim opisima ovih krivičnih djela određeni nacionalna, rasna i vjerska mržnja, razdor i/ili netrpeljivost.

Naime, cijeneći sadržaj objava na Facebook nalogu, koje su postavljene od strane [REDAKTIRANO], nesporno je da putem istih prijavljeni izražava svoje lično mišljenje o određenim osobama i društvenim zbivanjima, gdje u pojedinim objavama kleveće te osobe i gdje bi se eventualno moglo raditi o kleveti, što je predmet građanske parnice, dok se u istim ne stiču obilježja krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. KZ BiH u vidu izazivanja ili raspirivanja nacionalne, rasne ili vjerske mržnje, razdora ili netrpeljivosti, kao niti podstrekavanja na nasilje ili mržnju usmjerenu protiv grupe osoba ili člana grupe određene s obzirom na rasu, boju kože, vjeroispovijest, porijeklo ili nacionalnu ili etičku pripadnost.

Obzirom da je prema stanju u spisu, utvrđeno da nema dovoljno dokaza koji bi potkrijepili navode u pogledu počinjenja krivičnog djela Izazivanje nacionalne, rasne i vjerske mržnje, razdora i netrpeljivosti iz člana 145a. KZ BiH, od strane prijavljenih, odlučeno je da se istraga neće sprovoditi ni u odnosu na naprijed navedeno krivično djelo.

**TUŽILAC
TUŽILAŠTVA BiH**